



Inatsisartunut ilaasortaq Aleqa Hammond
/maani

Naalakkersuisunut § 36 atorlugu nunaqarfinnik ataatsimeersuartitsisarnerit pillugit apeqquteqaat.

30. september 2009

Postboks 1614
3900 Nuuk
Oq / tel +299 34 50 00
Fax +299 32 52 86
antut@gh.gl
www.nanoq.gl

Naalakkersuisut 15. september 2009 Inatsisartut inatsisaat § 36, imm. 1 naapertorlugu apeq-quteqaatit tiguaat.

”Nunami namminerisamik pissutsinut naalakkersuisoqarfeqalernerata kingunerisaanik nunaqarfiit annertusisamik sullinniarneqarnerpat aammalu nunaqarfiit siornatigut ataatsimeersuartinneqartarsimanerat pitsaasumik kinguneqarfiusartooq naalakkersuisunngortunit ingerlanniarneqarnerpa?”

Akissuteqaat:

Ilisimatitsissutigineqassaaq 2009-imi aningaasanut inatsimmi aningaasanik immikoor-titsoqanngimmat aammalu 2010-mut aningaasanut inatsisissatut siunnersuummi immik-kortitsisoqarani.

Naalakkersuisut suleqatigiinnissaannut isumaqatigiissut malillugu suliniutissatut siunniunneqarput:

”Nunap immikkoortuini ineriartortitsineq

Namminersorneq nukittooq imminut napatissinnaasumik aningaasaqartoq suliassaavoq kikkut tamarmik peqataanerisigut aatsaat piviusunngortinneqarsinnaasoq. Naalakkersuisut inuutissarsiornikkut ineriartortitsinikkullu politikki siunnersuutigaa, ima ilisarnaateqartillugu:

”Illit najugaqarfiit – illit toqqaanerit”

Nunap angissusaata inuillu najugaqarfeqarnerisa ilusaata nassatarivai atugassarititaasut periarfissallu assigiinngitsuunerat. Naalakkersuisut kissaatigaa

sumiiffinni ataasiakkaani innuttaasut nunap immikkoortuani sumiiffinnilu
ataasiakkaani aaqiissutissanik tulluuttunik pisariaqartitallu aallaavigalugit
inerisaanermut peqataatinneqarnissaat.

Imminut pilersugarinissamut atatillugu nunaqarfiit – uagut nammineq tunisassiatta
siammaannissaannut naleqqiullugu – pingaarutilimmik inissisimapput. Nunaqarfiit
aningaasaqarnikkut atugarisaat ataavarnissamullu tulluassusiat
pilersaarusioqqinnermi tunngaviusssapput.”

Nunamut namminermt Naalackersuisoqarfik aammalu Inuusutissarsiornermt
Naalackersuisoqarfik qulaani pineqartunut suleqatigiipput naatsorsuutigaallu 2010-
imi immikkoortortami pilersaarut saqqummiutissallugu.

Inussiarnersumik inuulluaqqusillunga
Med venlig hilsen

Anthon Frederiksen